

GURE AMACHO

Airea: Chinhaurria eta Choria

1

Oilarra kukuruka etchean da ari,
 Jadanikan Amacho othoitzez Jaunari;
 ni eskuak ikaran, so kurutzeari,
 «Jaunak beha diezon egun berriari!»

2

Atcho zinez pollita da gure Amatto,
 Chahar izana gatik ez oraino ttontto.
 Diruz balimbad'ere pochi bat pobretto,
 Omor'onez bederen dago aberastto.

3

Igandetan ederrik, iduri pampina,
 Zinez erran liteke: «Horra Erregina!»
 Begia irriz dago, halaber ezpaina:
 Oi, zer atcho pollita Jainkoak egina!

4

Buru sahetsetikan motho-buztanduna,
 Lepho-gibel aldean mokanes urdina,
Balenarik gabeko soineko fin fina,
 Zaiaino bat pollita eskuez egina.

5

Meza-deia burrumban, eliza-dorretik,
 Eta amacho joan landa bazterretik;
 Buruaren zaintzeko iguzki gaichtotik,
 Kaputchina pleguan eman du burutik.

6

Artho-bizardun pherde, sorhopil gizenak,
 Sagar hori'ta gorri, mahasti-aihenak,
 Amacho gaichoari irriz daude denak:
 Segurki bide dira adichkide minak!

7

«Intzaur, piko, gaztenak, zirezte handitu,
Zuen landatzailea da aldiz chahartu;
Ainitz neguetako elhurra gelditu,
Eta ile urdinak zeraizko churitu».

8

Huna ur-chirripa bat intzirez doana,
Gain hartako zerua bezambat urdina:
Lehenago jauzian igaiten zuena...
Orai, doi doi, eman ez harri chabalduna!

9

«Agur, Amatto, agur! — Agur ene haurra!»
Bidean orok hari bihotzez agurra.
Amacho erreposki, ez dadien lerra,
Chafla chafla badoa chendrari behera.

10

Herrirat heldu eta, zaia du zafratzen,
Zapeteri errhautsa eskuaz chahatzen,
Kaputchina burutik laster beheitzen,
Eta ichil ichila elizan da sartzen.

11

Zer othoitzak orduan Aita Jainkoari!
Aingeruak barrandan chahar maiteari!
Bertze guziak kantuz errepikan ari,....
Atcho ona mezuka Ama-Birjinari.

12

Hilen herri chokoan, meztatik lekora,
Amatto nigarretan othoitzez hobira;
Loretto bat harturik lurretik eskura,
Ichil eta trichte da itzultzen herrira.

13

.....
Ilhun zeinuetako, etcherat heltzean,
Gozo handi bat zuen amak, bihotzean;
Gaztena adar beltchek, hura aditzean,
Gau on! zioten orok, betan aphaltzean.

14

.....
Oi Amacho maitea, agian luzachiko
Jainko jaun onak zaitu gurekin utziko!
Ainitz urthez, agian, zaitu ahantziko!
Luzaz agian luzaz gaituzu zainduko!